

**Nunanit allanit aningaasaliinerit ilaasa misissorneqarnissaat pillugit Inatsisartut inatsisissaattut siunnersuut**

(Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

**Saqqummiussissut**

(Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

**Siullermeerineq**

Nunanit allanit aningaasaliinerit ilaasa misissorneqarnissaat pillugit Inatsisartut inatsisissaattut siunnersuut, Naalakkersuisut sinnerlugit matumuuna saqqummiuppara.

Kalaallit Nunaanni aningaasaliisarnert Naalakkersuisut siuarsarusuppaat, ilutigisaanilli aningaasaliinerit ilaat sutigut arlaatigut Kalaallit Nunaannut sooranarsinnaasut ilisimaaralugu, tamannalu inuiaqatigiittut eqqarsaatigisariaqarlutigu. Nunat tamalaat akornanni atassuteqaatit, isumannaatsuunissarlu ataqatigiilluinnarlutik nunat tamalaat akornanni politikkimut ataqatigiittumut Kalaallit Nunaat akuummat Naalakkersuisut ilisimaaraat.

Nunanit allanit aningaasaliiniarnerit Kalaallit Nunaata isumannaatsuunissaanut imaluunniit tamat toqqissisimatinneqarnissaannut navianartorsiortitsisinnaasut pinngitsoortinneqarnissaannut, ullumikkut naammattumik inatsisitugut tunngavissaqanngimmat siunnersuut saqqummiunneqarpoq. Taamaalilluni nunatsinni, nunap immikkoortortatsinni, iligisatsinnilu isumannaatsuunerup annertusineqarnissaanut inatsisissatut siunnersuut tapersiissaaq.

Sakkussaq taamak ittoq kisermaakkusunngilarput. Sioorasaarinerit, akeqqersimarnerillu pinngitsoortikkumallugit nunanit allanit aningaasaliinernik nunat arlaqartut misissuisarput. Aaqqiissutit taakkua nunat inuussutissarsiutinut inatsisaannut ilaapput. Isumannaatsuutitsinermut annertuumik iliuutsinut illersorsinnaanissamik pisariaqartitsinerup, ilutigisaanillu aningaasaliisarnermi pitsaasunik atugassaqartitsinikkut, pilerinartunillu sinaakkutissaqartitsinikkut aningaasaliiffissatut pitsaasutut isigineqarnissap akornanni isumatusaartumik oqimaaqatigiissitsinissap qulakkeerneqarnissaa Naalakkersuisunut pingaaruteqarpoq. Eqqaamassavarpummi aningaasaliinerit amerlanersaat pitsaasumik siunertalimmik aningaasaliissutigineqartarmata, taamaalillunilu nunamut iluaqutaasarmata.

Suliassaqarfinnut immikkut pingaarutilinnut soorlu aatsitassalerinermut, attaveqaasersuutinullu pisariaqavissunut nunanit allanit aningaasaliinerit imaluunniit sannaanut marloqiusamik atorsinnaasunut, imaappoq sakkutuunit atorneqaratarsinnaasunut,

anigaasaliinerit misissorneqarsinnaanissaat siunnersuummi siunertaavoq. Misissuereernermi anigaasaliineq nunap isumannaatsuutinneqarnissaanut imaluunniit tamat toqqissisimatinneqarnissaanut sooranartoq nalilernerqarp, anigaasaliinissamut Naalakkersuisut itigartitsisinnaanissaannut imaluunniit inerteqquteqarnissaannut inatsisitigut periarfissaalissaaq. Anigaasaliineri navianartup peerneqarnissaanut Naalakkersuisut aamma piumasaqaasiorsinnaalissapput.

Nunamit allamit anigaasaliineq nunami allami naalakkersuisunit nakkutigineqarneris, imaluunniit nunani allani isumannaatsuutitsinermut sunniuteqartumik ingerlatani anigaasaliisoq akuusimanersaq misissuineri misissorneqassaaq. Pinerlunnissamik ingerlatanut anigaasaliisoq attuumassuteqaratarsinnaanersaq imaluunniit akunnermuliuttut aqqutigalugit misissueriaaseq avaqqunniarneqarneris aamma misissorneqassaaq.

Naalagaaffiup isertortumik paasiniaasartuisa, oqartussallu attuumassuteqartut oqaloqatiginerisigut misissuineq misissuineri oqartussanit ingerlanneqassaaq. Anigaasaliinerit taakkua nalilertassavaat, taassumallu kingorna inaarutaasumik aalajangiiffigissassanngorlugit Naalakkersuisunit saqqummiunneqartassallutik.

Misissuineri oqartussat pilersinneqarnikuunngillat, suliasarli naalakkersuisoqarfimmi attuumassuteqartumi tunngaveqassalluni. Aaqqiisummut atatillugu, imaappoq immikkoortortaqarfimmik ingerlatsinermut aammali misissuineri anigaasartuuteqartoqartassasq naatsorsuutigineqarpoq. Tamanna pillugu anigaasartuutit ilaat matussuserneqarsinnaaniassammata, aaqqiisummut akiliutinik Naalakkersuisut suliffeqarfinnut akiliuteqartitsisinnaanissaannut inatsisitigut aamma tunngavissaqarnissaq kissaatigineqarpoq.

Inatsisissatut siunnersuut malillugu nunanit allanit anigaasaliineq tassaavoq, suliffeqarfimmut Kalaallit Nunaanni angerlarsimaffeqartumut minnerpaamik 25 %-inik piginnittuunermik imaluunniit suliffeqarfimmut Kalaallit Nunaanni angerlarsimaffeqartumut allatigut aalajangeeqataasinnaanermik kinguneqarluni anigaasaliineq. Nunamit allamit anigaasaliisoq tassaavoq inuk ukiuni kingullerni tallimani nunami aalajangersimasumik najugaqarsimanngitsaq imaluunniit inatsisit naapertorlugit ingerlatsivik nunami angerlarsimaffeqanngitsaq.

Nunanit allanit anigaasaliisartut assersuutigalugu annertuumik piginneqataanneginermikkut aaqqiisummut ilaatinneqanngikkunik, namminneq kajumissutsiminnik misissuiffigineqarsinnaassapput.

Ataatsimiititaliami suliarineqarneranut atatillugu apeqquissaqartoqassappat, Naalakkersuisut saaffigineqarnissaminut piareersimassapput.

Taamatut oqaaseqarlunnga Naalakkersuisut sinnerlugit immikkoortup Inatsisartuni oqaluuserineqarnissaanut ingerlateqqippara.